



## Ullormut oqaluuserisassani ikaarsaariarnermi tulliuuttumut Siunnersuut Inatsisartut Suliariaasiat § 52 malillugu

Inatsisartut inatsisaat nr. 6 13. maj 1993-immut Naalakkersuisunut ilaasortat akisussaanagerat pillugu ersarilluinnarpoq.

*§ 6. Naalakkersuisunut ilaasortaq § 10 naapertorlugu pineqaatissinneqassaaq piaaraluni imaluunniit mianersuaalliorujussuarnermigut Inatsisartut Naalakkersuisullu pillugit Inatsisartut inatsisaat inatsisilluunniit allat malillugit imaluunniit atorfimmi suunera malillugu imminut pisussaaffigisassanngortitaasut malillugit iliunngikkuni.*

*Imm. 2. Imm. 1-imi aalajangersagaq aamma atorneqartassaaq Naalakkersuisunut ilaasortaq eqqunngitsumik paasinerluutaasinnaasumilluunniit inatsisartunut paasissutissiisimappat imaluunniit inatsisartut oqaluuserisassamik oqaluuserinninneranni paasissutissanik oqaluuserisap inatsisartunit aalajangiiffigineqarnissaanut annertuumik pingaaruteqartunik nipangiussisimappat.*

Inuutissarsiornermut, Niuernermet, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq oqarpoq Innarluutillit assigiisitsinerup akerlilerneqanngitsut una inatsisissatut siunnersuut akuersissutigineqanngippat.

Inuit innarluutillit tapersersorneqarnissaannut Inatsisartut Inatsisaat nr. 13, 12. juuni 2019-imeersoq, Inatsisartut Inatsisaat nr. 5, 19. novembari 2021-meersoq issuaavigilaarpara:

*”§ 1, Imm 4. inuit innarluutillit inuiaqatigiinni naligiimmik periarfissaqarnissaasa aammalu innarluuteqarneq pissutigalugu assigiinngisitsinerup akerlilerneqarnissaa tamatumuunalu sapinngisamik inuiaqatigiinni tamakkiisumik sunniuteqarluartumillu peqataanissaasa akuunissaasalu qulakkeerneqarnissaa,”*

Naalakkersuisut eqqortumik paasissutissiisussaataitanertik pisussaaffeqarnini taamaasilluni unioqutippaa.

Qulaani pineqartoq tunuliaqutaralugit siunnersuuteqartariaqarpugut ullormut oqaluuserisassani ikaarsaariarnermut tulliuuttumut Inuutissarsiornermut, Niuernermet, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq peqquteqartumik tatiginnikkunnaarnermik takutitsissalluta isumaqarpugut.